



ŠERIF ŠPAGO
zastupnik

Broj _____ /23
Sarajevo, 24.7.2023. godine

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 24-07-2023			
Organizaciona jedinica	Klasifikaciona oznaka	Redni broj	Broj priloga
01,02	02-1-1031	23	

**PREDSTAVNIČKI DOM
PARLAMENTARNE SKUPŠTINE BiH**

Na osnovu čl. 124. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“ br.79/14, 81/15, 97/15, 78/19 i 26/20), podnosim:

AMANDMANE

Na Prijedlog Zakona o slobodi pristupa informacijama na nivou institucija Bosne i Hercegovine

Amandman 1.

U članu 5, tačka r) se briše. Tačke s) i t) ovog člana postaju tačke r) i s).

Obrazloženje:

Sa ciljem većeg stepena usklađivanjama Prijedloga Zakona sa relevantnim međunarodnim standardima u oblasti slobode pristupa informacijama i ponovne upotrebe dokumenata, kao i sa Konvencijom Vijeća Evrope o pristupu zvaničnim dokumentima od 18.06.2009., ovim i ostalim podnesenim amandmanima, predviđa se dodjeljivanje ovlaštenja za provođene drugostepenog upravnog postupka nezavisnom i specijaliziranom tijelu, što je u slučaju BiH Institucija ombudsmana za ljudska prava. Predloženim rješenjima u ovom i narednim amandmanima, Institucija ombudsmana za ljudska prava, koja je nezavisna od organa izvršne vlasti, a u skladu sa preporukama TAIEX misije iz 2018. godine, dobila bi dodatna ovlaštenja da odlučuje u drugostepenom upravnom postupku po žalbama i uspostavila poseban Odjel koji bi se bavio ovim predmetima, kao i da obavlja druge aktivnosti sa ciljem unapređenja primjene ovog Zakona, razvoja administrativnih kapaciteta za njegovu primjenu, kao i promovisanje prava koja su istim zagarantovana. Na ovaj način, otklanja se primjedba koju su na tekst Zakona iskazali Direkcija za evropske integracije, Evropska komisija, SIGMA i predstavnici civilnog društva.

U konkrentom slučaju, predlaže se brisanje tačke r) jer je ovlaštenje za rješavanje po žalbama u drugostepenom postupku dodijeljeno Instituciji ombudsmana za ljudska prava Bosne i Hercegovine, te je navođenje Žalbenog vijeća Vijeća ministara BiH kao drugostepenog organa potrebno brisati.

Amandman 2.

U članu 17. stav (1) se mijenja i glasi:

„(1) Institucija BiH je obavezna radi osiguravanja pristupa informacijama, imenovati službenika za informiranje, u roku od šest mjeseci od dana stupanja na snagu ovog Zakona, čiji se službeni podaci s kontakt adresom dostavljaju Instituciji ombudsmana za ljudska prava

Bosne i Hercegovine (u daljem tekstu Institucija ombudsmana), te objavljuju na internetskoj stranici institucije BiH, u roku od osam dana od dana imenovanja.“

U stavu (2) istog člana, kao i u ostatku teksta Zakona, riječi „Žalbeno vijeće“ u odgovarajućem padežu, zamjenjuju se riječima „Institucija ombudsmana“ u odgovarajućem padežu.

U stavu (6) istog člana, zarez i riječi „Žalbenom vijeću“ se brišu.

Obrazloženje:

Budući da je ovlaštenje za rješavanje po žalbama u drugostepenom postupku dodijeljeno Instituciji ombudsmana, navođenje Žalbenog vijeća Vijeća ministara BiH kao drugostepenog organa je potrebno brisati, odnosno zamijeniti navođenjem Institucije ombudsmana.

Amandman 3.

U članu 23. stav (4) poslije riječi „se“ dodaje se veznik „i“.

Obrazloženje:

Ova dopuna odredbe je potrebna radi jasnoće odredbe da se kao pisani zahtjev smatra i obraćanje putem elektronske pošte uz propisane uslove.

Amandman 4.

Član 36. se briše, a numeracija narednih članova se sukladno prilagodava.

Obrazloženje:

Budući da je ovlaštenje za rješavanje po žalbama u drugostepenom postupku dodijeljeno Instituciji ombudsmana za ljudska prava Bosne i Hercegovine, ne postoji razlog za uređivanje poslova Žalbenog vijeća Vijeća ministara BiH u pogledu primjene ovog zakona.

Amandman 5.

Naziv i tekst člana 47. mijenja se i glasi:

„Član 47.

(Nadležnosti Institucije ombudsmana kao drugostepenog organa)

(1) Pored ovlaštenja uređenih drugim zakonima, Institucija ombudsmana, obavlja i poslove drugostepenog organa u rješavanju žalbi o ostvarivanju prava na pristup informacijama i prava na ponovno upotrebu dokumenata u skladu s ovim Zakonom.

(2) Drugostepeni postupak pred Institucijom ombudsmana vodi se u skladu sa odredbama Zakona o upravnom postupku („Službeni glasnik BiH“, br. 29/02, 12/04, 88/07, 93/09, 41/13 i 53/16), osim ako ovim Zakonom nije drugačije određeno.

(3) U svrhu vođenja drugostepenog postupka i ostalih stručnih i tehničkih poslova u vezi sa osiguravanjem slobode pristupa informacijama iz ovog Zakona, u okviru Institucije ombudsmana formira se Odjel za slobodu pristupa informacijama.“

Obrazloženje:

Kao što je navedeno u obrazloženju uz amandman 1., ovim amandmanom se Instituciji Ombudsmana dodjeljuje ovlaštenje da vodi i odlučuje u drugostepnom (žalbenom) postupku u skladu sa ovim Zakonom i Zakonom o upravnom postupku BiH. U ti svrhu, Institucija Ombudsmana će uspostaviti posebni Odjel za slobodu pristupa informacijama.

Amandman 6.

Naziv i tekst člana 48. mijenja se i glasi:

„Član 48.**(Ostale nadležnosti Institucije ombudsmana)**

- (1) U svrhu osiguranja ostvarivanja najviših standarda u oblasti slobode pristupa informacijama, Institucija ombudsmana, može da predlaže institucijama BiH preduzimanje konkretnih mjera radi unapređenja ostvarivanja prava na pristup informacijama i ponovnu upotrebu dokumenata propisanih ovim Zakonom ili da na upit institucije BiH da stručno mišljenje u pogledu primjene ovog Zakona.
- (2) U svrhu provođenja i unapređenja primjene ovog zakona, Institucija ombudsmana je dužna i ovlaštena da:
- a) inicira donošenje, izmjene i dopune propisa radi provedbe i unapređenja prava na pristup informacijama i ponovnu upotrebu dokumenata;
 - b) predlaže institucijama BiH preduzimanje mjera u cilju unapređivanja ostvarivanja slobode pristupa informacijama;
 - c) preduzima mjere potrebne za obuku zaposlenih u institucijama BiH i upoznavanje zaposlenih sa njihovim obavezama u vezi sa primjenom ovog zakona;
 - d) prikuplja i analizira statističke podatke o primjeni ovog Zakona, koje su mu dužni dostavljati službenici za informisanje u smislu člana 17, stav (8) ovog Zakona, te u svom godišnjem izvještaju sačini posebni dio koji se odnosi na njegove aktivnosti u smislu ovog Zakona;
 - e) radi na promociji ovog Zakona, informira javnost, podiže svijest, provodi kampanje i na druge načine aktivno promovira ostvarivanje prava na pristup informacijama i prava na ponovnu upotrebu dokumenata;
 - f) daje mišljenje na nacрте zakona i prijedloge drugih propisa, kao i dokumenata javnih politika, ako se njima uređuju pitanja koja su od značaja za ostvarivanje prava na pristup informacijama i prava na ponovnu upotrebu dokumenata;
 - g) obavlja i druge poslove određene ovim Zakonom.”

Obrazloženje:

Radi postizanja najviših standarda u primjeni ovog zakona i promoviranja ostvarivanja slobode na pristup informacijama, odnosno prava na ponovnu upotrebu podataka, potrebno je predvidjeti dodatna ovlaštenja Institucije ombudsmana osim onih koja se odnose na vođenje drugostepenog upravnog postupka.

Zastupnik
Šerif Špago

